

# CBETA電子佛典集成

---

CBETA Chinese Electronic Tripitaka Collection  
ebook

X57n0953

## 別傳心法議

宋 戒珠撰

中華電子佛典協會



# 目次

- [編輯說明](#)
- [章節目次](#)
  - [議](#)
  - [祭懷要禪師文](#)
- [卷目次](#)
  - 1.
- [贊助資訊](#)

## 編輯說明

- 本電子書以「CBETA 電子佛典集成 Version 2023.Q1」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 [service@cbeta.org](mailto:service@cbeta.org) 回報。
- 版權所有，歡迎自由流通，但禁止營利使用。

或者以三乘教外別傳心法曰祖道。飛山默子曰。非也。三乘所演唯一心。一心之法。教之本也。惡有心外而復有心哉。請試議之。拘尸那城如來既般涅槃。五百弟子失其所依。亦欲從而涅槃焉。時大迦葉前而道曰。未集法藏。勿涅槃也。姑命阿難。首集如來修陀羅。優婆離等集毗尼藏。已而自集阿毗曇藏。三藏所集。由迦葉始。故以其為初祖焉。迦葉曰。吾於今□始報佛恩。五百弟子同其結集者。亦曰。嚮之所集□□法也。三世諸佛證菩提者。以此十方菩薩修解□□以此。唯此之法。佛佛共之。未聞其外別有一法□初迦葉焉。迦葉次授於阿難。阿難授之商那和修。豈他邪。則所謂三藏法也。期佛道者依焉。依其為燈燭為衡石。事有疑焉。就而輕重之。理有味焉。即而照了之。以之為戒。為定。為總持。為密嚴。六度以伸之。萬行以廣之。根力覺道三十七品。助而以發之。發而至之。於是乎。曰果。曰證。曰三賢。曰十聖。如是十力四無畏十八不共神通道力。成最正覺。而曰無等等。其所由何哉。由乎教也。教焉者。修道之謂也。學聖人者不可離。離而為魔。為外。為邪說。富蘭那毗羅胝子。九十六種異見。交臂而生焉。如來嘗謂阿難曰。我滅度後。多此群邪。熾盛世間。潛匿奸欺。稱善知識。商那和脩。將般涅槃。亦謂四祖優婆耆多曰。如來本生諸經。及毗尼等十七萬。汝其護之。無使魔外以相凌亂。後十世馬鳴之時。異道寢起。馬鳴辨之。乃宗楞伽方等之經。以著諸論。龍樹後馬鳴而生。晞馬鳴而起。其所著者倍之。所宗者。般若之經焉。若畏佛土等論。其□□百萬。未始一言為私發心。方等之旨在焉。洎□□滅嗣而為化提婆焉。羅睺羅焉。先後二十七世。□□流化益敷。於其教也。切切然不敢離。不敢外力以□之。勉以思之。揭精奧以流通之。其已也。惟日猶不足。問其故。則曰。十地之聖。不敢離諸教。吾敢離而自足哉。授受之際。必曰。是三藏法。如來授之大迦葉。迦葉付之于阿難。綿糸展轉。以至於我。我今復以是法。用付於汝。汝其護之。夫所謂三藏者何。經律論也。其文浩而博。印之土具焉。達磨越數萬里。來于梁。別難險阻。不能有所具。獨以楞伽之經四卷。授之可(〔惠言])可曰。藉教悟宗。又曰。仁者依此修行。自得度世。自是可傳滿。滿傳那。那滿而下轉相傳授(可之下不言燦。而言滿益)。

□當時大弘□教座下。傳性宗者數百□。開講之盛。燦不殆滿。故本傳以滿言之。夫所謂性宗則心宗也(心宗乃龍樹馬鳴諸祖口傳文等之旨是矣)。

晉昌杜昱以楞伽自宗之來。一經四譯。明夷于代。未有發揮。唯達磨禪師以為心鏡。遞而流行。護持不絕。當時記事者。歷以其事。附諸上載諸傳。誠欲後世言祖道者。無離經無畔聖無任□。巧亂學者。千始心區區。後學入信之始。其心猶風輪。猶毛輪。毛輪易動。風輪易轉。轉而動之。其向無所依。或飄入於天魔。或失入于外道。拒魔外之所從。羅□學之所修。唯教有辨焉。故教者。三十三世祖師入□之□道。五十一位菩薩成佛之根本。今要有嗣佛。嗣□□捨。佛教言心哉。蓋唐之季。去佛漸遠。宗習趣尚。□□乖異。南泉普願乘時習異。以蕩諸本。繇是別傳之說起焉。願既唱之於前。義玄宣[竺-二+金]之徒和於後。排挫經訓。詆訾聖賢。以為教者鬼薄焉。不克以兀。心狂悖馳。似務外道尼乾子法。非沙門釋子之□言。有識者豈不為之痛心哉。若願輩像法之罪人。不嗜學。不知本。不足以語如來教。夫如來以三界九地輪顛倒所惑者。唯一心。四生六趣波流出沒所變者。唯一識。識心之變無已。生滅之數無盡。以無盡之法。逗無盡之機。故其教也有權有實。有頓漸。而其旨也有遮有顯。有秘密之說。唯心也。遮顯之說非心也。可與顯之則顯焉。未可與顯則遮焉。其為秘密不發者。秘密焉。遮顯秘密。所以稱其機。任其器□而有所授者也。先賢以如來覺場初會提河。未教□間四十有九年。諸所說者至微。其所度者至眾。而□小大去就。或開或合。權實半滿。夫嘗一字以為心外法。惟法所被。唯機所適。若天若人。若四生六趣。萬億種類。善惡業報。無一不由其心者焉。故曰三界唯一心。萬法唯一識。學佛者。用是而則三乘之教。其□□端矣。孰以心外而有一法言之哉。心外言法界。□□在於佛道無聞焉。奈何浮瀆輩。不窮深。不際遠。□□思。初祖迦葉所集者何法。龍樹馬鳴所述者何□。已之剝落。從而所依者何師。師而所學者何教。而趣排諸賢詆諸聖。狂悖然自固瞢陋。開門庭。列挑牖。為鉤。為錐。為藏鋒。為挫[拖-也+(升- [+卜])]。以至庾辭。隱語譏詬。相攻□唱。相持務之。以勝負機。巧為得失。勝負機巧。我之□也。生滅之數是也。以生滅之數。為出離之而。將□至于佛道。幾猶却步而走。以望其前。不唯無所以。至是亦形勞。而跡背坑塹之陷隨之。即以佛道唯微。唯智乃和。同者導之。異者告之。告之而不省。故議之。議之者辨之也。辨之不敢私也。本平聖也。聖人之法□乎經。經曰。若諸眾生雖求善友遇謬。非眾生咎。又曰。諸□行人不能成就無上菩提。乃至別成聲聞緣

覺。及□外道諸天魔王及魔眷。皆由不屬知二種根本。錯亂修習。猶如煮砂。要成嘉饌。縱經塵劫。終不能得。於戲其悲哉。摧顯有功。文曰。甚矣古禪之與今禪。名實相遼也。古之所謂禪者。藉教習禪者也。今之所謂禪者。離教說禪者也。說禪者。執其名而遺其實。習禪者。因其詮而得其旨。救今人矯詐之弊。復古聖精醇之道。珠公論辨。斯其至焉。近者大遼皇帝詔有詞。令義學沙門詮曉等。再定經錄。世所謂六祖壇經寶林傳等皆被焚。除其偽妄。條例則重修貞元續錄三卷中載之詳矣。有以見我佛付囑之心帝王弘護之志。而比世中國所行禪宗章句。多涉異端。此所以海東人師疑華夏無人。及見飛山高議。乃知有護法菩薩焉。昨奉王旨刊諸翠琰。而恐流通未廣。勒之方板。噫百世之下住持末法者。豈不賴珠公力乎 高麗王子僧統義天。

### 祭懷要禪師文(此文與上別議其旨大同故今附之)

□□月玄沙住持傳法沙門戒珠。謨以□□□□禪師之雲大千之界唯佛為聖。猶言有生隨□□死。豈夫哲人以保遐同惟靈譽蕩南區道際西□□芳五葉實法良嗣子。今之壽已遇八十。精爽不亂。視聽不襄。威儀進止作時之規。咸平之首徇群□乃總□乃董黃蘗。遷延七處。聲光藉藉。殆其暮□復尸法海。慈以育眾。寬以柔俗。雖強與佞風來□。常謂佛道無適諸外。所防者情。所悟者心。故夫為權。故夫為實。萬途開諺在心為得。馬鳴龍樹迦那提婆。彼數祖師。其法為何。或造諸論以釋經也。或宗于經以造論□。無據于私無住于己。□巧辨互形詆訾。五代亂□□□竟起詭徒相唱乘時險□□經□賊聖賢。謂佛教外心法別傳。夫佛之教明猶日也。夫佛之教明猶日也。夫佛之道高猶天也。天不可踰。日不可掩明。可□唯高可覆。承覆不知是由愚也。藉明不覺是由盲也。唯盲唯愚。孰究孰思。根力罔修定惠闇習。乃呵乃□乃棒乃捶。狂悖昏昏。畢死無謂。凡師此言疊以誨我。我既藏之孰敢忘之。期遂見佛以評攸始。

---

## [CBETA 贊助資訊](#)

(<https://www.cbeta.org/donation/index.php>)

自 2001 年 2 月 1 日起，CBETA 帳務由「財團法人西蓮教育基金會」承辦，並成立「財團法人西蓮教育基金會」－ CBETA 專戶，所有捐款至 CBETA 專戶皆為專款專用，歡迎各界捐款贊助。

您的捐款本協會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

---

## 信用卡線上捐款

本線上捐款與聯合信用卡中心合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

## [前往捐款](#)

---

## 信用卡（單次 / 定期定額）捐款

本授權書可提供單次捐款或定期定額捐款之用途。

請於下載並填妥捐款授權書後，請傳真至 02-2383-0649，並請來電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 [授權書](#) (MS Word 格式)

---

## 劃撥捐款

郵政劃撥帳號: 1 9 5 3 8 8 1 1

戶名: 財團法人西蓮教育基金會

欲指定特殊用途者, 請特別註明, 我們會專款專用。

---

## 線上信用卡 / PayPal 捐款

PayPal 是一個跨國線上付款機制的公司, CBETA 引用其服務, 提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜, 由於付款幣別為美元, 我們除了會依您所贊助之美元金額開立收據外, 另我們會依捐款當日公告匯率開立台幣收據, 此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

---

## 支票捐款



支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex- cheques, remittance, etc.,) please entitle to "The Seeland Education Foundation".

---